

177
4. desbr. 2. að gjöld þau, er getur um í næst síðasta dálki fyrirmyndarinnar við reglugjörðina, eigi ekki að greiðast í landssjóð, og

3. að þar sem gjaldheimtumenn eru skyldir að gjöra grein fyrir aukatekjum og gjöldum þeim, er til falla á hverjum ársfjórðungi með næsta pósti þar á eftir, geti þeir því að eins tekið gjöldin undir sjálfum sjer upp í laun sín, að launin sjeu komin í gjalddaga, og beri þeim þá að senda landfógeta í stað peninga kvittun fyrir laununum.

Fyrir því vil jeg tjá yður til þóknanlegrar leiðbeiningar og birtingar fyrir hlutaðeiganda, að jeg fellst á það, sem þjer þannig hafði tekið fram.

178
10. desbr. — *Brjef landshöfðingja til sýslumannsins í Mýra- og Borgarfjarðarsýslu um húsa-skatt af torfbæjum.* — Út af fyrirspurn hreppstjórans í Akraneshreppi, er jeg meðtók með brjefi yðar, herra sýslumaður frá 15. f. m. vil jeg tjá yður til þóknanlegrar leiðbeiningar og birtingar fyrir hlutaðeiganda, að torfbæjir eru skattskyldir eigi síður en önnur hús, samkvæmt lögum 14. desember f. á. og að virða skal með hverri húseign geymsluhús þau, skemmur, hjalla og smiðjur, er henni fylgja. Ofnar, eldunarvjarlar, rúm í svefnhúsum, smiðjubelgir, steðjar og önnur slík áhöld verða þar á móti því að eins talin með húseign, að þau sjeu múruð inn í húsið, eða fest við það á þann hátt, að það sje ljóst, að ætlast hafi verið til, að þau fylgdu húsinu, meðan það væri notað.

179
16. desbr. — *Brjef landshöfðingja til stiptsyfirvaldanna um viðgjörð við dómkirkjuna.* — Eftir að jeg samkvæmt brjefi ráðgjafans frá 15. ágúst þ. á. (Stjórnartíð. B, 128) hefi gjört samning við Jakob trjesmið Sveinsson um að hann takist á hendur viðgjörð við Reykjavíkur dómkirkju árið 1879, þannig að verkið á að byrja svo snemma að vorinu, sem tíð og veðurlag leyfa, og vera leitt til lykta, að minnsta kosti svo, að messað verði í kirkjunni, fyrir veturnætur 1879, vil jeg hjer með þjónustusamlega mælast til þess, að stiptsyfirvöldin vildu þóknanlega gjöra nauðsynlega ráðstöfun til þess:

1. að útvegað sje hæfilegt húsnæði til guðspjónustugjörðar, meðan á verkinu stendur og dómkirkjan ekki verður notuð til þess, eftir því sem að ofan er ávíkið, eða frá 1. apríl til veturnótta 1879.
2. að stiptsbókasafnið og forngripasafnið, sem og hvað helzt annað, sem kynni að vera geymt á kirkjuloftinu, og sem gæti hindrað viðgjörðina, sje flutt burt þaðan fyrir lok marzmánaðar, og er það áskilið í samningnum, að þetta sje gjört, án þess yfirsmiðurinn kosti nokkru þar til.

180
20. desbr. — *Brjef landshöfðingja til stiptsyfirvaldanna um kirkjulegt tímarit.* — Eftir að jeg með þóknanlegu brjefi frá 23. f. m. hefi meðtekið álit stiptsyfirvaldanna um beiðni dómkirkjuprests sira Hallgríms Sveinssonar, að sjer verði veittur 250 til 300 kr. árlegur styrkur til að kosta kirkjulegt tímarit, sem þeir prófastur sira Þórarinn Böðvarsson ætla sjer að gefa út eftir áskorun prestafundarins (synodus) og kalla: «Kirkjutíðindi fyrir Ísland», og sem ætlast er til, að komi út 4 sinnum á ári, hjer um bil 3 arkir í hverju hepti, hefi jeg af upphæð þeirri, sem í 15. gr. fjárlaganna fyrir 1878 og 1879 er ætluð til eflingar visindalegra og verklegra fyrirtækja, veitt sem styrk í tjeðu tilefni 100 kr. fyrir það tvöfalda hepti, sem til er ætlast, að komi út fyrir þetta ár. og 200 kr. fyrir árið

1879. Með því þar að auki, að hið áminnzta tvöfalda hepti fyrir árið 1878 á að inni- **180**
halda nefndarálit brauðamats og kirkjumála nefndarinnar með tilheyrandi frumvörpum, ^{20. desbr.}
er jeg fús á enn fremur að veita útgeföndunum 50 kr. styrk fyrir þetta hepti með því
skilyrði, að jeg fái af því 70 expl. kauplaust.

Þetta læt jeg eigi undanfalla þjónustusamlega að tjá stiptsyfirvöldunum til þókn-
anlegrar leiðbeiningar og birtingar fyrir hlutaðeigöndum.

Reikningar

um árið 1878.

Styrktarsjóður handa þeim, er biða tjón af jarðeldi. **181**

Tekjur.		Kr. a.	Kr. a.
Samkvæmt reikningi frá gjaldkera samskotanefndarinnar í Kaup- mannahöfn á sjóðurinn:			
a. innritunarskírteini G fol. 626	16500	»	
b. konunglegt skuldabréf L. 15496 að upphæð 500 rd.	1000	»	
c. í peningum			99 35
Frá sýslunefndinni í Norður-Múlasýslu hefi jeg meðtekið með brjefum 2. okt. f. á. og 13. júlí þ. á.			2184 25
Vextir af skuldabréfum L. 5606 og N. 1282 áfallnir 11. júní og 11. desbr. þ. á.			48 »
Vextir af skuldabréfum L. 15496, C. 2622, F. 4290 áfallnir 11. þ.m.			44 »
			2375 60
Gjöld.		Kr. a.	Kr. a.
Keypt konungleg skuldabréf L. 5606, N. 1282, F. 4290 og C. 2622 samtals hljóðandi upp á	2400	»	2162 72
Póstburðargjald			12 30
Sparisjóðsbók Nr. 986			» 30
Eptirstöðvar: Í konunglegum skuldabréfum og innritunarskírteini	17500	»	
Í sparisjóði	200 28		200 28
Eptirstöðvar alls	20100 28		2375 60

Landshöfðinginn yfir Íslandi, Reykjavík 31. desember 1878

Hilmar Finsen.

Jón Jónsson.

Ágrip

af reikningum nokkurra sjóða, sem eru undir stjórn biskups.

I.

Prestaekknasjóðurinn.

182

Tekjur.

1. Sjóður við árslok 1877	13439 kr. 91 a.
Flyt 13439 kr. 31 a.	